

## Колхоз'ёсын трудовой дисциплинаез юнматонно

Всесоюзной Коммунистической партилэн (большевик'ёслэн) XVIII с'ездэз СССР-лэсь народной хозяйствозэ развивать каронлэн куиньметй пятилетней планэз сярись решениосаз пус'емын, сельско-хозяйственной артелез азыланьын вискарятэк организационно-хозяйственной юнматонлэн, колхоз'ёсын трудовой дисциплинаез юнматонлэн одно кулэ луэмез сярись. И со валамон. Сельской хозяйстволэн областяз куиньметй пятилеткалэн пуктэм задачаос решить каремын луыны быгато колхозной ужлэн производительностезлэн выль кужмо будонэз дыр'я, сые будонэз обеспечить карыны понна, котыкуд колхозын ужез по-большевицки организовать кароно.

Асьмелэн советской крестьянство-мы колхозной стройлэн нормемезлэсь нырысетй вуэм емыш'ёссэ октэ ни. Колхозной турт ялам зажиточнойгес луэ.

Колхоз'ёслэн азинскем'ёссы ачизэс оз лыктэ. Соос завоевать каремын эксплуататорской класслэн кылем'ёсыныз упорно нюр'яськонын, калыклэн враг'ёсыныз троцкистско-бухаринской но буржуазно-националистической вредительёсын, диверсант'ёсын, иностранной разведкаослэн наймит'ёсынызы нюр'яськонын.

Гигантской уж ортчытэмын большевистской партиен колхозник'ёсты только крестьян'ёсты - единоличник'ёсты социалистически воспитать карон'я. Сые воспитательной уж нуэмен колхоз'ёслэн большинствозы шодскымон лыдын мозмытскиз мелкособственнической навик'ёслэсь но сям'ёслэсь, быдэсак но люконтэм ас бордаз бастыиз производстволэсь но ужлэсь общественной артельной организа-


цизэс. Артельной хозяйстволы, колхозной ужлы, выль сямен, социалистически, сознательной относиться кариськемез веранэн луэ колхозник'ёслэн но колхозницаослэн стахановской движенизылэн кужмо будэмез.

Нош со эшшо уг возматы на, ваньмыз колхозник'ёс асьме обществолэн азымын'я адымиосыныз луыны шуыса. „Крестьян'ёс пöлын озы ик ичи өвöl эшшо сыеосыз, куд'ёсызлы уж өвöl не только государстволэн интерес'ёсыз дорозь, но колхозлэн интерес'ёсыз дорозь, куд'ёсыз чаклало со сярись гинэ, кызы кено ас понназы трогес бастыны государстволэсь но колхозлэсь но“. (МОЛОТОВ).

Тани бастом Лековзевской сельсоветысь „Лековой“ колхозысь куд-ог колхозник'ёсты. Та колхозысь колхозник Ушаков Владимир Николаевичлэн 1938 ар чоже одиг трудовенэ но өвöl, колхозница Трефилова Анисия Федоровна ар чоже 2,5 трудовенэ гинэ ужаз, Люмской сельсоветысь „Красный май“ колхозысь Куртеев Арсентий Павлович ар чоже 14 трудовенэ гинэ ужаз, но озы ик мукет'ёс аз но колхоз'ёсын куд ог колхозник'ёс уг ужало, а и с и т ь я карисько, „колхозникен“, колхозник'ёс сямэн ик пользоваться карисько льготыосын но усадьбаен. Дыр вуэмын колхозной трудовой дисциплинаез юнматон борды золзол кутскыны. Колхоз'ёсын трудовой дисциплинаез юнматон сярись ВКП(б)-лэн XVIII с'ездэзлэсь решениосэ по-большевицки быдэсьяно.

Колхозной трудовой дисциплинаез юнматыса, колхозной производствозэ паськытатыса эшшо но добитыса кариськыны луоз колхозник'ёслэсь улонэс зажиточно но культурно лэсьтыны.

„Мосфильм“ студия выль картина „Ленин 1918 арын“ поттйз.



СУРЕД ВЫЛЫН: Фильмысь кадр. Ленин но Сталин прямой провалын. Ленинлэн роляз—СССР-лэн народной артистэз—Б. В. Шукин, Сталинлэн роляз—артист орденоносец М. Геловани но телеграфистлэн роляз—артист С. И. Никонов.



СУРЕД ВЫЛЫН: Чечено-Ингушской АССР-ысь, Гудармской МТС-лэн тракторной бригадаяз ВКП(б)-лэн XVIII-тй с'ездэз Сталин эшлэсь лэсьтэм докладэз обеденной перерыв' дыр'я полевой станын лыдзё. Бригадир П. Рябухин лыдзё.

## Информационной ивортон

### ВЛКСМ-лэн Центральной Комитетэзлэн VIII пленумезлэн ужамез сярись

7—13 апреле 1939 арын ортчиз ВЛКСМ-лэн Центральной Комитетэзлэн VIII пленумез.

Пленум обсудить кариз „ВКП(б)-лэн 18 с'ездэзлэн решениосыныз валче ВЛКСМ организациослэн ужамзы сярись“ докладэз—докладчик ВЛКСМ-лэн ЦК-езлэн секретарез Н. Михайлов эш, но „ВКП(б) ЦК-лэсь но ВЛКСМ ЦК-лэсь пропаганда сярись постановленизэс былэстон сярись“ Белоруссийсь ЛКСМ-лэн ЦК-езлэн но ВЛКСМ-лэн Ленинградской обкомезлэн доклад'ёссы—докладчик'ёс И. Ефрейкин эш — Белоруссийсь ЛКСМ-лэн ЦК-езлэн пропаганда секретарез, И. Бучурин—ВЛКСМ-лэн Ленинградской обкомезлэн пропаганда секретарез

Доклад'ёс'я соответствующой постановлениос публиковать карисько.

Пленум Центральной Комитетлэн член'ёсызлэн составазы пыртйз но ВЛКСМ-лэн ЦК-езлэн бюрозь бырийз И. Т. Гришин, П. В. Катков, А. М. Пегов, А. А. Полетаев эш'ёсты.

## Удмуртиялэн бусыосаз

А л н а ш районуысь „1-май“ колхоз озим улэ клевер кизэнэз быдэстйз, ваньмыз киземын 50 гектар. Завялово районуысь „8-е марта“ колхоз 17-18 апреле озим улэ клевер кизиз 16 гектар. Сарапул районуысь колхоз'ёс 19 апрелёз вуизы ни кызыны: „1-май“ озим улэ клевер кизиз 45 гектар вылэ, „Смычка“—55 гектар вылэ. Колхоз „Серп и молот“ минеральной удобрениез озим вылэ подкормкалы пазяз 10 гектар плошадэ.

## УКРАИНАЫСЬ СОВХОЗ'ЕС ВАЗЬ КИЗЕНО ШЕПО ЮОС-ТЫ КИЗЫСА БЫДЭСТИЗЫ

Киев, 17 апреле. Украинаысь совхоз'ёс вазь кизено шепе юос-сэс 15 апреле кизыса быдэстйзы, кылем арын сярись 5 нуналлы азыло быдэстэмын. Киземлэн зечлыкез трослы умой, 1938 арын сярись.

## Доротделлэн

### бесхозяйственностез

Пудемской доротдел сюрес лэсьтон-ын ужан четэ колхоз'ёсты лэсьтытйзы лымы возён шит'ёс. Та лэсьтэм шит'ёс сизыыл урдылэмын вал Пудем - Яр сюрес дуртй. Доротдел тодэ вал, что тулысь возь вылэз тудву бастэ, озы ке но шит'ёсты возь вылысь чередыны беспокоиться оз кариськы. Али шит'ёс ву вылын уяло. А ведь колхоз'ёс та шит'ёсты лэсьтызы, материал быдтйзы!

Социалистической имуществолы бесхозяйственно относиться кариськем понна, райисполкомлэн президиумез доротделлэсь заведующойзэ Булдаков эшез должен обсудить карыны но соответствующой ужрад кутыны. Малых

### АКАДЕМИК И. М. ГУБКИН КУЛИЗ

21 апреле, 1 часэ уйин, кема чоже секут висемез бере кулйз выдающейся советской ученой но общественной деятель СССР-лэн наукаосызлэн академиезлэн вице президентэз, СССР-лэн Верховной Советэзлэн депутатэз академик И. М. Губкин. (ТАСС).

